


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-96	Al-'Alaq	19	1	Makkiyyah	Ke-1	5





### **Zaman Diturunkan**

1. 5 Ayat di permulaan Surah al-'Alaq merupakan wahyu yang pertama diterima oleh Rasulullah s.a.w., Shahih Bukhari, Kitab Tafsir, Bab Surah al-'Alaq, hadits 4,670 daripada 'Aisyah. Ia turun pada bulan Ramadhan 1 Kenabian bersamaan 10 Ogos 610 Masihi.
2. 14 Ayat selepasnya diturunkan pada peringkat kedua kehidupan Rasulullah di Mekah ketika mana da'wah secara terbuka telah pun bermula di antara tahun ke-4 dan ke-5 Kenabian. Ia menggambarkan peribadi Abu Jahal, salah seorang ketua kafir Quraisy Mekah yang begitu buruk dan teruk. Salah satu sikap buruknya ialah dia telah menghalang Rasulullah s.a.w. daripada bersembahyang dalam kawasan tanah haram.

### **Ciri Khusus Surah Al-'Alaq**

1. Pada ayat terakhir Surah al-'Alaq terdapat satu larangan لَا تُطِيعُهُ dan terdapat juga satu perintah iaitu وَأَسْجُدْ وَاقْتَرِبْ.
2. Dari segi kandungannya ia menyerupai ayat ke-36 di dalam Surah an-Nahl أَنْ اعْبُدُوا اللَّهَ وَاجْتَنِبُوا الصُّلُوفَ
3. Para penda'wah perlu sekali dalam menghadapi kuasa Thaghut mengadakan hubungan yang kukuh dengan tuhan pencipta alam semesta dengan cara beribadat dengan sebaik-baiknya dan banyak-banyak bersujud kepada Allah.

### **Perkaitan Surah Al-'Alaq Dengan Surah Sebelum Dan Selepasnya**

1. Di dalam Surah at-Tiin sebelum ini telah disebutkan tentang اسْفَلَ سَفِيلِينَ, di dalam Surah al-'Alaq ini dikemukakan satu contohnya berupa seorang pemimpin Quraisy yang merupakan musuh ketat Rasulullah dengan sikap-sikap dan tindakan-tindakan Thaghutnya.
2. Surah al-'Alaq mengandungi wahyu yang mula-mula sekali diberikan kepada Rasulullah s.a.w., ia diturunkan pada waktu malam, malam yang bertuah itu disebutkan secara khusus di dalam Surah al-Qadr selepasnya, itulah malam yang menentukan nasib manusia di dunia.

### **Beberapa Kata Kunci Dan Tema Utama Surah**

1. Selepas menyatakan perbezaan di antara kepemimpinan orang mu'min dan kepemimpinan golongan Thaghut di dalam Surah at-Tin, pada ayat terakhir Surah al-'Alaq ini umat Islam diperintah supaya tidak mentaati Thaghut sebaliknya patuh dan taat kepada Allah dengan bertaqarrub kepadanya.
2. Di dalam Surah al-'Alaq ini dinyatakan beberapa sifat pemimpin mu'min.  
(a) Ia berada di atas petunjuk (Ayat: 11).

عَلَى الْهَدَى ۝



(b) Pemimpin mu'min mengadakan hubungan yang erat dengan tuhanNya melalui shalat (Ayat: 10)

عَبَدًا إِذَا صَلَّى ⑫

(c) Pemimpin mu'min menyeru manusia kepada ketaqwaan dan penyucian jiwa disamping melaksanakan da'wah kepada ajaran-ajaran Islam yang lain (Ayat: 12).

أَمَرَ بِالتَّقْوَى ⑬

3. Surah al-'Alaq juga menyatakan beberapa sifat pemimpin Thaghut.

(a) Pemimpin Thaghut adalah orang-orang yang derhaka kepada Allah dan melampaui batas yang ditentukanNya (Ayat: 6).

لَيَطْفَى ⑭

(b) Pemimpin Thaghut tidak berasa bertanggungjawab terhadap sesiapa pun atas perbuatan dan tindakannya (Ayat: 7).

أَسْتَفْتَى ⑮

(c) Pemimpin Thaghut menghalang orang-orang yang baik daripada mengerjakan ibadat-ibadat seperti sembahyang (Ayat: 9 dan 10).

يَنْهَى ⑯ عَبَدًا إِذَا صَلَّى ⑰